

Parent-to-Parent Support

Ntsib tsev neeg:

Nam: Ntxhawv Xyooj, nov lug

Txiv: Lis Pov Xyoos, nov lug

Mivnyuas: Sophie Hlee Xyooj, 12 xyoo, tsi nov lug

Nrug lwm tug thaam le caag: Sophie siv nwg lub qhov ncauj has lug

Kuaj mivnyuas mog seb puas muaj teeb meem dlaab tsi: tsi muaj cov kuaj ntsuam lub sij hawm thaum Sophia nyuam qhuav yug lug.

Noob nyoog thaum paub txug: 2 xyoo

Sophia tau phais nwg lub qhov ntsej hab puab tau muab lub mloog mloog (Cochlear Implant) rau Sophie lub qhov ntsej kuas nwg hnov lug.

Thov hawm txug cov nam txiv kws muaj mivnyuas tsis nov lug hab qhov ntsej puag:

Wb kuj muaj ib tug miv nyuas kws tsis nov lug lossis qhov ntsej puag ib yaam le meb hab. Thaum yug lug, wb tug ntxhais, npe hu ua Sophie, kuj nov hug. Vim kev mob, thaum Sophie muaj ob xyoo, nwg ca le tsis nov lug lawm.

Thaum wb ob nam txiv paub has tas nwg tsis nov lug lawm, wb kuj muaj kev nyuaj sab hab tu sab heev. Tabsis tom qaab ntawd, wb kuj xaav has tas cas wb nrhav kua tau txhua txuj kev hab txhua yaam kev paab kws luas muaj lug paab nwg. Wb ob leeg kuj tau moog ntsib cov xwb fwb

kws qha cov mivnyuas kws puag pob ntseg hab nrug lwm cov nam txiv tawv dlawb kws muaj mivnyuas zoo le wb tug nuav moog kawm lug pav teg pav taw. Peb suavdlawg kuj sib paab txhawv zug hab sib paab kawm ua ke.

Thaum kawg wb nov has tas kuj muaj cov kws tshuaj nyob tom lub tsev kawm ntawv qeb sab University of Minnesota kuj yuav paab tau wb tug ntxhais hab, wb txhaj txav txim sab coj nwg moog rua cov kws tshuaj khu qhov ntsej khu nwg, muab nwg phais pob ntseg. Yaam kws nwg phais nuav yog hu ua Cochlear Implant. Thaum Sophie tau lub Cochlear Implant ntawd, wb kuj tau ndlav cov xwb fwb kws nyob ntawv qha nwg has lug hab kawm cov suab lug.

Taamsim nuav kuj muaj ntau txuj kev kws yuav paab tau meb tug mivnyuas kws tsis nov lug. Naj nub nuav wb tug ntxhais kuj tau txais kev paab lug ntawm tsev kawm ntawv zoo heev vim wb los kuj mob sab moog nrug cov xwb fwb tom tsev kawm ntawv sib thaam hab nrug puab nrhav kev kawm kua zoo rua wb tug ntxhais.

Meb ua nam txiv tsis txhob tu sab hab taag kev ca sab rua meb tug mivnyuas. Meb tug mivnyuas yuav vaam meem hab txawj los yeej yog nyob rua ntawm meb xwb. Kuj muaj ntau lub tsev kawm ntawv hab ntau lub koom hum kws muaj kev paab rua meb hab meb tug mivnyuas. Yog meb nrhav txhua txuj kev hab txhob taag kev cas sab, thaum kawg meb tug mivnyuas yuav luj hlub hab muaj kev txawj kev ntse ib yaam le cov mivnyuas kws nov lug.

Yog meb muaj lug nug dlaab tsi nua los nrug meb tug mivnyuas tug xwb fwb qha ntawv thaam. Ua tsaug rua meb txuj kev hlub kws meb muab rua meb tug mivnyuas.

Sau Npe,

Lis Pov hab Ntxhawv Xyooj

Yog xav paub ntau thiab tham nrog ib tsev neeg zoo li no, thov hu rau Family Support Connection thaum 866-346-4543 los yog (651) 265-2435 nyob hauv lub Nroog Ntxaib. Los yog email fsc@lifetrackresources.org